

Considera como un di revista di turismo mas codicia na mundo

Rui Palace Aruba escogí entre e 28 mihor resort di Caribe segun Conde Nast Traveller

*Esaki for di 1060 premio otorga
pa e revista*

ORANJESTAD – Despues di un siman cu no a cuminsa riba miho pia pa nan, Riu Palace Aruba por sera su siman cu un broche di oro. Esaki ora cu ayera nan a wordo participa di a ricibi e premiacion y consideracion como un di e “Best Caribbean Resorts” pa lesadonan di e revista codicia di biahe turistico esta Condé Nast Traveler.

E prestigioso revista aki esta Condé Nast Traveler den su di 23 edicion di “Annual Reader’s Choice Awards”, a honra Riu Palace Aruba como un di e mihor resortnan den Caribe. Un premio hopi codicia pa cual RIU ta sigur hopi contento.

Desde 1988 e revista a cuminsa cu e escohencia di criteria di e 5 categorianan pa cual su lectornan por premia e hotelnan participante. E categorianan ta: ciudad, transportacion, isla, hotel y resort. E aña aki a scohe un total di 1060 ganador door di Condé Nast Traveler’s 2010 Annual Readers Choice. For di tur e premionan ei, solamente 28 resorts, entre nan hotel Riu Palace Aruba ta inclui, ta wordo distingui como “Best Resorts in the Caribbean”.

Despues di su apertura den verano di 2007, rapidamente e hotel a sa di gara mercado total, unda cu e hotel no a sa di baha bou di un 90% di ocupacion henter aña, cu clientela di nivel y mas ainda un cantidad increibel di bishitantenan cu ta ripiti nan biahe tur aña. Esaki nan ta haci debi cu e hotel ta sigui demostra su nivel halto di calidad y servicio manera cu ta conoci di e cadena RIU. Pa un hotel di 450 camber, 6 restaurant, un casino, gym, spa y mas, esei sigur no ta facil y sigur un logro grandi na Aruba.

Mientras cu e hotel a surpasa un cantidad di reto interesante for di momento cu nan a pone pia na Aruba, nan a sa di gara confiansa di porta e grupo mas importante pa nan, cu ta nan trahadonan di cual mayoria ta local, y tambe e huesped cu no por caba gaba e calidad di e hotel y su servicio. Tanten cu esaki ta move bon, e hotel ta move manera cu un RIU hotel ta custumbra di move. E cadena di hotel RIU riba su mes no ta mucho bieu si tene cuenta cu ta ‘apenas na 1953 famia RIU na Spaña a cuminsa cu e cadena hotelero (e tempo ei chikito) y ainda awe ta wordo maneha pa e di tres generacion di famia RIU, bou di mando actual di Luis Riu cu personalmente a efectua e apertura na Aruba na 2007.

